

Jahresbericht Präsident 2020 – 2021

Liebi Parteikolleginne
Liebi Parteikollege
Liebi Franziska

E gloube s'2020 esch eis vo de intensivste Jahr gsi i öisere Partei. E mag mi no guet erinnere woni s Präsidium vor öppe 10Jöhr übernoh ha. Éb das e grosse Ufwind sig? Ne nei – mer mache öises Ding, aber dönd ned übertribe. Das esch machbar. So het das damals agfange... Das got höt nömm! Mer müend aktiv blieb, im Gspröch bliibe... Es send jo ou Gmeindrot ond Gmeinspräsidenten Wahle agstande ond mer hei ned vo Afang a gwösst, dass es «stöi Wahle» wörd gäh.

S'2020 esch natürlech ganz im Zeiche gstande vo däm blöde Coronavirus. E wet jetzt ou ned wörklech nome über Corona rede.

Über au die Jahr hei mer emmer versuecht, e chli meh z'mache aus die andere Ortsparteie. Hei omegluegt of Lostorf, Dänike oder i obere Kantonsteil. Ond natürlich of d'Parteie i öisem Dorf. Mer stönd ned e so schlächt do. I der Zwöschzeit si d'Wahle dore ou wenn sie «still» gsi si:

D'FDP het z'Obergösge:

- S'Gmeinspräsidium
- S'Bürgerpräsidium
- im Gemidnerot si mer die gröschti Partei
- mer hei am meischte Behördemetglieder
- send aktiv im Dorf

E danke aune, wo met häufe för öises Dorf. Speziell mine beide Gmeindröt Carla on dem Chregu ond aune mini Vorstandskolleginne ond Kollege.

Agfange hets 2020 mit Absage:

- | | | |
|--------------------|------------|--------|
| • 26. Mai 2020 | GV | Absage |
| • 20. Juli 2020 | Ausflug | Absage |
| • 8. November 2020 | FDP Zmorge | Absage |

Am 29. Juli 2020 Generalversammlung im Kreuz
(so quasi i der Sommerpause vom Virus)

Mer hend e gueti Beteiligung gha ond aui hei dänkt: «Das esch jetzt werder emou guet gsi, sech zträffe»... ond niemer hät dänkt, was no wörd of öis zuecho.

Vorstandsetzige FDP Oberbösgen:

Set der letschte GV 4 Setzige, 1x per Videokonferenz

- 13. Oktober 2020
- 2. Februar 2021
- 17. Mai 2021
- 14. Juli 2021

Spezielles:

- Dezember 2020 Weihnachtskarte
- 1. April 2021 Eier-Tütschete (erstmal, ganz toller Anlass)

Zusätzlich

- Zahlreiche Delegiertenversammlige ond Aläss im Bezirk Olten-Gösgen ond Kanton Solothurn. Mer näme emmer teil!

Kommunikation:

Regelmässig **Kommunikation** via Facebook, Personen «gefällt mir» verdopplet:

(2017: 52, 2018: 57, 2019: 59, 2021 (23.7.2021): 128)

Das esch wichtig, wöu au die Informationen de ou i di nöi FDP Oberbösgen Homepage wärde ifliesse. Die goht öbrigens definitiv im August 2021 live.

Das esch mi letscht Jahresbricht gsi. Ned wöi kei Loscht me ha, sondern wöu mer im Vorstand emmer föreluege ond höt die nöchschi «Generation» - quasi chönd ilüüte. Aber kei Angscht – e ha zväu Motivation, dass i eifach wörd «tschüss» säge.

E danke Euch aune für's metmache ond förs Vertraue. E danke mine Kolleginne ond Kolegge, wo sech emmer isetze för öisi Partei ond s'liberale Gedankeguet. E fröi mi of die nöchschte Johr met öisere super Partei.

Peter Frei